



লিবারেল পার্টি বাংলাদেশের প্রতিষ্ঠাতা
শেখ মুহিউদ্দিন আহমেদ



লিবারেল পার্টি বাংলাদেশ

অন্তর্বর্তীকালীন
গঠনতন্ত্র -২০০৯

প্রকাশনায়:

তথ্য ও প্রকাশনা বিভাগ, লিবারেল পার্টি বাংলাদেশ, ৪৩৫ বড় মগবাজার, ৪র্থ তলা,
ওয়ারলেস রেলগেট, ঢাকা- ১২১৭। ফোন: ৯৩৬০৭৭৪।

www.liberalbd.org

(এই অন্তর্বর্তীকালীন গঠনতন্ত্র জুন-২০১০ এর মধ্যে দলীয় স্বীকৃত ফোরামের অনুমোদন নিয়ে চূড়ান্ত করতে হবে।)

লিবারেল পার্টি বাংলাদেশ

ঘোষণাপত্র-২০০৬

লিবারেল পার্টি বাংলাদেশ এর সকল স্তরের সদস্য নির্বিশেষে -

- যেহেতু আমরা বাংলাদেশের স্বাধীনতা-সার্বভৌমত্বে বিশ্বাস করি ;
- যেহেতু আমরা একটি গণতান্ত্রিক সমাজ ব্যবস্থায় বিশ্বাস করি ;
- যেহেতু আমরা উদার গণতান্ত্রিক ব্যবস্থা ওরাজনীতিতে বিশ্বাস করি ;
- যেহেতু আমরা মানবাধিকারের সার্বজনীনতায় বিশ্বাস করি ;
- যেহেতু আমরা ধর্মীয় স্বাধীনতা ও মূল্যবোধে বিশ্বাস করি ;
- যেহেতু আমরা মনোপলিমুক্ত গণমুখী বাজার অর্থনীতিতে বিশ্বাস করি ;
- যেহেতু আমরা বিশ্ববাদে বিশ্বাস করি ;
- যেহেতু আমরা পারিবারিক মূল্যবোধে বিশ্বাস করি ;
- যেহেতু আমরা জনগণের ক্ষমতায়ন তথা সর্বস্তরে জনপ্রতিনিধিত্বে বিশ্বাস করি ;
- যেহেতু আমরা রাজনৈতিক জবাবদিহিতায় বিশ্বাস করি ;
- যেহেতু আমরা জনগণের মৌলিক অধিকার তথা খাদ্য, বস্ত্র, বাসস্থান, চিকিৎসা ও শিক্ষা নিশ্চিত করনে রাষ্ট্রের বাধ্যবাদকতায় বিশ্বাস করি ;
- যেহেতু আমরা জনগণের হয়রানীমুক্ত বিচার প্রাপ্তিতে বিশ্বাস করি ;
- যেহেতু আমরা রাজনৈতিক প্রতিষ্ঠানের আভ্যন্তরীণ গনতন্ত্র চর্চায় বিশ্বাস করি;
- যেহেতু আমরা দূনীতিমুক্ত বিচার ব্যবস্থা ও জনপ্রশাসনে বিশ্বাস করি;
- যেহেতু আমরা রাষ্ট্রের প্রতিটি স্তরের জবাবদিহিতা নিশ্চিতকরনে বিশ্বাস করি;

- যেহেতু আমরা জনগণের কর্মের স্বাধীনতায় বিশ্বাস করি ;
- যেহেতু আমরা জীবনের বিকাশে বিশ্বাস করি ;
- যেহেতু আমরা স্বাধীন পররাষ্ট্রনীতিতে বিশ্বাস করি ;
- যেহেতু আমরা গণমুখী শক্তিশালী প্রতিরক্ষনীতিতে বিশ্বাস করি ;
- যেহেতু আমরা বাক স্বাধীনতায় বিশ্বাস করি ;
- যেহেতু আমরা মুক্ত মানুষ এবং মানষিকতার বিকাশে বিশ্বাস করি ;
- যেহেতু আমরা নতুন প্রজন্মের জন্য নিরাপদ আবাসস্থল সৃষ্টিতে বিশ্বাস করি ;

সেহেতু বাংলাদেশকে একটি উন্নত প্রযুক্তির আলোকে নতুন প্রজন্মের জন্য শক্তিশালী অর্থনৈতিক ভিত্তির উপর একটি কল্যাণ রাষ্ট্র প্রতিষ্ঠায় লিবারেল পার্টি বাংলাদেশকে নতুনভাবে গড়ে তোলার জন্য প্রত্যয় ঘোষণা করছি।

ঢাকা, বাংলাদেশ।

২০০৬

লিবারেল পার্টি বাংলাদেশ
অন্তর্বর্তীকালীন গঠনতন্ত্র- ২০০৮

অনুচ্ছেদ - ১
পার্টি

১. এই পার্টির নাম হবে "লিবারেল পার্টি বাংলাদেশ"।
২. ইংরেজীতে "LIBERAL PARTY BANGLADESH".
৩. সংক্ষেপে "লিবারেল পার্টি" হিসেবে ব্যবহৃত হবে এবং সর্বদা এই নামেই পরিচিত হবে।

অনুচ্ছেদ-২
গঠনতন্ত্র:

১. এই গঠনতন্ত্র "লিবারেল পার্টি বাংলাদেশ"এর গঠনতন্ত্র বা গঠনতন্ত্র হিসেবে বিবেচিত হবে।
২. প্রতিটি সদস্যের জন্য এই গঠনতন্ত্র অবশ্য অনুসরণীয় হিসেবে বিবেচিত হবে।
৩. কোন সাংগঠনিক বিধিগত সমস্যার সমাধানে এই গঠনতন্ত্রে বর্ণিত আইন অন্য সকল বিধি বা আদেশের বিপরিতে অগ্রাধিকার হিসেবে বিবেচিত হবে।

অনুচ্ছেদ - ৩

প্রজাতন্ত্রের সার্বভৌমত্বের প্রতি আনুগত্য:

১. "লিবারেল পার্টি বাংলাদেশ" এর সকল কর্মকান্ড "গণপ্রজাতন্ত্রী বাংলাদেশ"এর সার্বভৌমত্ব, ঐক্য এবং অখণ্ডতা সমুন্নত রাখতে সচেষ্ট, শ্রদ্ধাশীল এবং অনুগত থাকবে।

অনুচ্ছেদ - ৪

প্রজাতন্ত্রের সংবিধানের প্রতি আনুগত্য:

১. "লিবারেল পার্টি বাংলাদেশ"এর গঠনতন্ত্র "গণপ্রজাতন্ত্রী বাংলাদেশ"এর সংবিধানের প্রতি অকৃত্রিম বিশ্বাস ও আনুগত্য পোষণ করবে।
২. রাষ্ট্রীয় সাংবিধানিক আইন পার্টির সকল আইনের উপরে অবস্থান করবে।
৩. রাষ্ট্রীয় সংবিধানের কোন বিষয়ে দ্বিমত থাকলে উপযুক্ত ফোরামে, উপযুক্ত কর্তৃপক্ষের মাধ্যমে এবং দলীয় নীতিমালার আওতায় গণতান্ত্রিক পন্থায় তা সমাধানের পদক্ষেপ গ্রহণ করা যাবে।

অনুচ্ছেদ - ৫

পার্টির কার্যালয়:

১. পার্টির প্রধান কার্যালয় হবে বাংলাদেশের রাজধানী ঢাকা শহরে।
২. উপযুক্ত কর্তৃপক্ষ বিশেষ প্রয়োজনে অন্য কোথাও তা স্থানান্তর করতে পারবেন।
৩. সদর দপ্তর ব্যতীত প্রয়োজনে অন্য যেকোন দপ্তর পৃথিবীর যেকোন দেশে স্থাপিত হতে পারবে।

অনুচ্ছেদ- ৬

পার্টির পতাকা ও মনোগ্রাম:

১. পার্টির পতাকা হবে আয়তক্ষেত্রাকার কাপড়ের অর্ধেক সাদা, অর্ধেক সবুজ আর মাঝখানে লাল পাঁচ কোনা তারকা। তারকার পাঁচ কোনা দলের পাঁচ মূলনীতি বুঝাবে।
২. পার্টির মনোগ্রাম হবে সবুজের বর্গক্ষেত্রাকারের উপর লাল পাঁচ কোনা তারকা এবং উপরে ডানা মেলে দেয়া পায়রা। তারকার দ্বারা দলের মূলনীতি, সবুজের দ্বারা সাম্য এবং পায়রার দ্বারা শান্তির বার্তা থাকবে।

৩. পার্টির সর্বোচ্চ ফোরাম প্রয়োজনে সময় সময় পতাকা ও মনোগ্রাম পরিবর্তন করতে পারবে। তবে পরবর্তী কংগ্রেস বা বর্ধিত সভায় অনুমোদিত হতে হবে।

অনুচ্ছেদ-৭ মূলনীতি / আদর্শ :

- (১) উদার গণতন্ত্র।
- (২) মানবাধিকার।
- (৩) বাজার অর্থনীতি।
- (৪) ধর্মীয় স্বাধীনতা ও মূল্যবোধ।
- (৫) বিশ্ববাদ।

অনুচ্ছেদ -৮ লক্ষ্য :

নিয়মতান্ত্রিক রাজনীতির দ্বারা বাংলাদেশে একটি কল্যাণ রাষ্ট্র প্রতিষ্ঠা করতে লিবারেল গণতান্ত্রিক রাজনীতিই আমাদের আদর্শ। যে আদর্শে সংখ্যাগরিষ্ঠ জনগনের ইচ্ছার প্রতিফলন হবে সংখ্যালঘিষ্ঠদের অধিকার রক্ষার নিশ্চয়তার মাধ্যমে।

প্রতিষ্ঠা করতে হবে ব্যক্তি ও বাক স্বাধীনতা, নারী ও পুরুষের সমঅধিকার, পরমত সহিষ্ণুতা, সং নেতৃত্ব ভারসাম্যপূর্ণ রাষ্ট্র ব্যবস্থা, ন্যায়বিচার প্রাপ্তি, মৌলিক ও মানবাধিকার, তথ্যের অবাধ প্রবাহ সহ বাজার অর্থনীতির গণমুখী বাস্তবায়ন।

অনুচ্ছেদ-৯ উদ্দেশ্য:

১. মানবাধিকার, উদার গণতন্ত্র, বিশ্ববাদসহ গণমুখী সাবজর্নীন আদর্শের অনুকূলে প্রশিক্ষিত নেতৃত্ব গড়ে তোলা।
২. আগামীদিনের জাতির ভবিষ্যত ছাত্র ও যুবদের সং, যোগ্য ও সচেতন নাগরিক ও নেতৃত্বের যোগ্যতা সম্পন্ন হিসেবে গড়ে তোলা। বেকারত্ব দূরীকরণে রাষ্ট্রের সকল সম্পদের সুষ্ঠু ব্যবহার নিশ্চিত করতে পদক্ষেপ গ্রহণ করা।
৩. নারীকে সমাজের প্রতিটি স্তরে সমানপাণ্ডিতিক প্রতিনিধিত্ব করার যোগ্যতা সম্পন্ন হিসেবে গড়ে তোলা।
৪. শিশু ও সিনিয়র (বৃদ্ধ) নাগরিকদের মৌলিক অধিকার নিশ্চিত করা।
৫. রাষ্ট্রে প্রত্যেক নাগরিকের জন্য মৌলিক অধিকার অর্থাৎ অন্ন, বস্ত্র, বাসস্থান, চিকিৎসা ও শিক্ষা নিশ্চিত করা।
৬. অর্থনৈতিক প্রবৃদ্ধির উচ্চ হারের জন্য কৃষি ও কৃষক এবং শিল্প ও শ্রমিকের উন্নয়নে আধুনিক এবং প্রযুক্তি নির্ভর পরিকল্পনা বাস্তবায়নের ব্যবস্থা নেয়া।
৭. দুর্নীতিমুক্ত প্রশাসন এবং সুশাসন নিশ্চিত করতে নাগরিক সচেতনতা বৃদ্ধি সহ সকল প্রকার পদক্ষেপ নেয়া।
৮. রাষ্ট্রের প্রতিটি স্তরে জনপ্রতিনিধিত্ব নিশ্চিত করতে এবং জনগনের ভোটাধিকার নিরঙ্কুশ ও প্রভাবমুক্ত করতে উপযুক্ত পদক্ষেপ গ্রহণ করা যাতে জনগন ভাবে পারে তারাই দেশের মালিক, নির্বাচিত বা নিয়োগকৃত কোন ব্যক্তি বা গোষ্ঠী নয়।

৯. রাষ্ট্রের নিরাপত্তা নিশ্চিত করতে আধুনিক এবং গনমুখী সশস্ত্র বাহিনী গড়ে তোলা এবং আধুনিক পররাষ্ট্রনীতি প্রনয়ন করা।
১০. জনগনের কর্মসংস্থান, শিক্ষা-প্রশিক্ষণ গ্রহণ করা এবং পছন্দ-অপছন্দের অধিকার নিশ্চিত করা।
১১. গণমুখী আইন প্রনয়ন এবং জনগনের বিচারপ্রাপ্তি নিশ্চিত করতে রাজনৈতিক পদক্ষেপ গ্রহণ করা।
১২. বাংলাদেশকে একটি কল্যাণ রাষ্ট্র হিসেবে প্রতিষ্ঠিত করা।

অনুচ্ছেদ - ১০ পার্টির সদস্য পদ

১. সদস্যপদ লাভ:

১. যে কোন ১৬ বছর বয়স্ক বাংলাদেশী নাগরিক দলীয় আবেদনপত্র পূরন এবং নির্ধারিত চাঁদা প্রদান সাপেক্ষে পার্টির প্রাথমিক সদস্য পদ লাভ করবেন।
২. সংশ্লিষ্ট কমিটির দায়িত্বপ্রাপ্ত কর্মকর্তা সদস্যপদ প্রদান করবেন।

২. সদস্যপদ বাতিল:

১. মস্তিষ্ক বিকৃতি ঘটলে।
২. আদালত কর্তৃক ন্যায়ত বিচারে সাজাপ্রাপ্ত হলে।
৩. নির্বাহী কমিটির সুপারিশে কেবিনেট সিদ্ধান্ত নিলে।

৩. সদস্যপদ স্থগিতকরণ:

- (১) প্রেসিডেন্ট বা তার পক্ষে দায়িত্বপ্রাপ্ত নেতৃত্ব যে কারো বিরুদ্ধে সূনির্দিষ্ট অভিযোগের ভিত্তিতে নিরপেক্ষ তদন্তের স্বার্থে তার পদ এমনকি প্রয়োজন হলে সদস্যপদ স্থগিত রাখতে পারবেন।
- (২) ন্যাশনাল চেয়ারম্যান ও মহাসচিব যে কোন শাখা সংগঠনের কারো সদস্যপদ স্থগিত রাখতে পারবেন একই কারনে।
- (৩) জাতীয় নির্বাহী কমিটির সদস্যদের পদ বাতিলে বা স্থগিত করলে ন্যাশনাল চেয়ারম্যান, প্রেসিডেন্ট(ক্ষেত্র বিশেষে নির্বাহী প্রেসিডেন্ট) এবং প্রেসিডেন্টের সর্বসম্মত স্বাক্ষর লাগবে।

৪. সদস্যের শ্রেণী বিন্যাস:

১. প্রতিষ্ঠাতা: শেখ মহিউদ্দিন আহমেদ লিবারেল পার্টি বাংলাদেশের প্রতিষ্ঠাতা হিসেবে স্বীকৃত হবেন। আফজালুল হক সিকদার প্রতিষ্ঠাতা মহাসচিব হিসেবে স্বীকৃত হবেন।
২. প্রতিষ্ঠাকালীন সদস্য: প্রথম নির্বাহী/কেন্দ্রীয় কমিটির সদস্যগন (দলে অবস্থানকারী) প্রতিষ্ঠাকালীন সদস্য বিবেচিত হবেন।
৩. সদস্য : প্রাথমিক সদস্য হিসেবে এক বছর পূর্ণ হলে পূর্নাংগ সদস্য হিসেবে বিবেচিত হবেন। নির্ধারিত ফরম পূরন সাপেক্ষে * ১৬ বছরের উপরে যে কেউ প্রাথমিক সদস্যপদ পাবে।
৪. আজীবন সদস্য : কেবিনেট/স্থায়ী কমিটির সিদ্ধান্তে এই সদস্যপদ লাভ হবে।

অনুচ্ছেদ - ১১

পার্টির কমিটি

১. জাতীয় কংগ্রেস/কনভেনশন
২. জাতীয় নির্বাহী কমিটি
 - (১) প্রেসিডেন্ট এর কেবিনেট/স্থায়ী কমিটি
 - (২) কেন্দ্রীয় ওয়ার্কিং কমিটি
৩. উপদেষ্টা পরিষদ
৪. শাখা কমিটি:
 - (১) রাজধানী ও মহানগর কমিটি
 - (২) জেলা কমিটি ও বৃহত্তর জেলা শহর (পৌর সভা) কমিটি
 - (৩) থানা, উপজেলা ও পৌরসভা কমিটি
 - (৪) ইউনিয়ন, পৌর ওয়ার্ড ও ইউনিট কমিটি

অনুচ্ছেদ- ১২

সদর দপ্তরের বিভাগ সমূহ

- | | |
|------------------------------|--------------------------------|
| ১. সরকার ও সংসদ | ২. তথ্য ও প্রকাশনা |
| ৩. সদস্য উন্নয়ন ও প্রশিক্ষণ | ৪. গঠনতন্ত্র ও আইন |
| ৫. প্রচার ও যোগাযোগ | ৬. শ্রম ও জনশক্তি উন্নয়ন |
| ৭. কৃষি ও কৃষক উন্নয়ন | ৮. বৈদেশিক সম্পর্ক |
| ৯. স্বাস্থ্য ও পরিবার কল্যাণ | ১০. প্রযুক্তি উন্নয়ন ও শিক্ষা |
| ১১. যুব ও ছাত্র | ১২. স্থানীয় সরকার |
| ১৩. সমাজ কল্যাণ | ১৪. পল্লী উন্নয়ন ও সমবায় |
| ১৫. মহিলা ও শিশু উন্নয়ন | ১৬. ধর্মীয় মূল্যবোধ উন্নয়ন |
| ১৭. পরিবেশ উন্নয়ন | ১৮. শিল্প ও সংস্কৃতি উন্নয়ন |
| ১৯. উন্নয়ন ও পরিকল্পনা | ২০. কর্মসূচী সমন্বয় |

অনুচ্ছেদ- ১৩

পার্টির কমিশন সমূহ

১. লিবারেল মাইনরিটি কমিশন
২. সিনিয়র সিটিজেন্স লিবারেল কমিশন
৩. লিবারেল মহিলা কমিশন
৪. লিবারেল মানবাধিকার কমিশন

অনুচ্ছেদ - ১৪

জাতীয় কংগ্রেস/কনভেনশন

১. জাতীয় কংগ্রেস হলো পার্টির চূড়ান্ত ফোরাম।
২. এই ফোরামে নতুন প্রেসিডেন্ট এবং জাতীয় নির্বাহী কমিটি নির্বাচন হবে।
৩. ৩ বছর পরপর কংগ্রেস/জাতীয় কনভেনশন হবে।
৪. কংগ্রেস / জাতীয় কনভেনশন পরিচালনার জন্য একটি 'কংগ্রেস কমিটি' এবং নির্বাচন পরিচালনার জন্য একটি "নির্বাচন কমিশন" কমপক্ষে ৩ মাস পূর্বে কেবিনেট/ কেন্দ্রীয় ওয়ার্কিং কমিটি কর্তৃক গঠিত হবে।
৫. পার্টির কার্যবিধি এবং জাতীয় নির্বাহী কমিটি প্রণীত বিধি মোতাবেক কংগ্রেস আনুষ্ঠিত হবে।

অনুচ্ছেদ-১৫

জাতীয় নির্বাহী কমিটি

১. জাতীয় নির্বাহী কমিটি দেশব্যাপী দলীয় সকল কর্মকান্ড পরিচালনা করবে। রাজনৈতিক কর্মকান্ডে কমিটি এবং এর সদস্যগণ কেবিনেট এর নীতিমালা অনুসরণ করবে।
২. প্রেসিডেন্ট এর নেতৃত্বে জাতীয় নির্বাহী কমিটি প্রয়োজনে সভা করে কর্মকান্ড পর্যালোচনা করে কর্মপদ্ধতি নির্ধারণ করবেন। লিবারেল মতাদর্শের আলোকে রাজনৈতিক কর্মসূচি প্রদান করবে।
- (৩) জাতীয় নির্বাহী কমিটি হবে নিম্নরূপ:

১। প্রেসিডেন্ট	- ১জন
২। ভারপ্রাপ্ত/নির্বাহী প্রেসিডেন্ট (ভাইস-প্রেসিডেন্টদের মধ্য থেকে প্রেসিডেন্ট কর্তৃক মনোনীত)	- ১জন (প্রয়োজনে)
৩। সাবেক প্রেসিডেন্ট	- সকল
৪। মহাসচিব	- ১জন
৫। ভাইস প্রেসিডেন্ট	- ২০জন
৬। ট্রেজারার	- ১জন
৭। যুগ্ম মহাসচিব	- ৬জন
৮। যুগ্ম ট্রেজারার	- ১জন
৯। সাংগঠনিক সম্পাদক	- ১০জন
১০। জাতীয় পরিচালক (নির্ধারিত মর্যাদায়)	- ১জন
১১। সম্পাদক (কেন্দ্রীয় দপ্তরসমূহ)	- ২০ জন
১২। নির্বাহী সদস্য (৭০ সাংগঠনিক জেলা থেকে প্রেসিডেন্ট কর্তৃক মনোনীত)	- ৭০জন

- (৪) দল পরিচালনায় জাতীয় পরিচয়, রাজনৈতিক লাইনগত মতাদর্শ, রাষ্ট্রীয় প্রতিরক্ষা, পররাষ্ট্র, কৃষি ও কৃষক, অর্থনীতি, সামাজিক উন্নয়ন, বিচার ব্যবস্থা ইত্যাদি বিষয়ে কেন্দ্রীয় নির্বাহীগণ কেবিনেট এর নীতিমালা অনুসরণ করবেন।
- (৮) প্রেসিডেন্ট এর নামে জাতীয় নির্বাহী কমিটির কর্মকান্ড পরিচালিত হবে এবং প্রশাসনিক আদেশ জারী হবে। ফাইলে যথাযথ অনুমোদন সাপেক্ষে মহাসচিব বা জাতীয় পরিচালকের বা প্রেসিডেন্ট অনুমোদিত অন্য কারো স্বাক্ষরে আদেশ জারী হবে।

অনুচ্ছেদ-১৬

কেন্দ্রীয় ওয়ার্কিং কমিটি

১. অনুচ্ছেদ ১৫.৩ এর ১-১১ পর্যন্ত জাতীয় নির্বাহী কমিটি সদস্যগণের সমন্বয়ে কেন্দ্রীয় ওয়ার্কিং কমিটি গঠিত হবে। কেন্দ্রীয় ওয়ার্কিং কমিটি প্রত্যাহিক জাতীয় ও কেন্দ্রীয় এবং দৈনন্দিন কর্মসূচি প্রনয়ন ও বাস্তবায়ন করবে।
২. যৌথ সিদ্ধান্তের প্রয়োজনে ওয়ার্কিং কমিটি সভা করবে। গঠনতান্ত্রিক ও নীতি নির্ধারনী গুরুতর কোন বিষয় ব্যতিত ওয়ার্কিং কমিটির সভার সিদ্ধান্ত নির্বাহী কমিটির সিদ্ধান্ত হিসেবে বিবেচিত হবে।

অনুচ্ছেদ-১৭

প্রেসিডেন্ট এর কেবিনেট/স্থায়ী কমিটি

১. অনুচ্ছেদ ১৫.৩ এর ১-৭ এবং অনুচ্ছেদ ৩৬.১ এর ১-৬ পর্যন্ত জাতীয় নির্বাহী কমিটি সদস্যগণের সমন্বয়ে প্রেসিডেন্ট এর কেবিনেট/স্থায়ী কমিটি হবে গঠিত হবে। কমিটি হবে পার্টির পলিসি বা নীতি প্রনয়ন বিভাগ।

২. প্রেসিডেন্ট এর কেবিনেট/স্থায়ী কমিটি রাত্তরীয় এবং দলীয় পলিসি তৈরী করবে। এবং প্রয়োজনে দলীয় শৃংখলা রক্ষার্থে যে সিদ্ধান্ত নেবে তাই চূড়ান্ত হবে।

৩. প্রেসিডেন্ট এর অনুমোদনক্রমে তার দপ্তর থেকে কেবিনেট/স্থায়ী কমিটির সভা আহ্বান করা হবে। প্রেসিডেন্ট এর সচিবালয়ের মাধ্যমে কেবিনেট/স্থায়ী কমিটির কর্মকান্ড পরিচালিত হবে। কেবিনেটের সকল দাপ্তরিক আদেশ প্রেসিডেন্ট এর নামে জারী হবে।

৪. প্রেসিডেন্টের রাজনৈতিক সচিব কেবিনেট সচিব হবেন। রাজনৈতিক সচিব না থাকলে জাতীয় পরিচালক কেবিনেট সচিব হবেন।

৫. কেবিনেট পার্টি'র বৃহত্তর স্বার্থে নতুন যেকোন পদ সৃষ্টি করতে পারবে। তবে সেক্ষেত্রে পরবর্তী জাতীয় নির্বাহী কমিটি অধিবেশনে তা অনুমোদনের পর ঐ পদটি সংবিধানের অর্ন্তুক্ত হবে।

অনুচ্ছেদ- ১৮

উপদেষ্টা পরিষদ:

১. প্রেসিডেন্ট প্রয়োজনে উপদেষ্টা পরিষদ গঠন করবেন। উপদেষ্টাগন ভাইস-প্রেসিডেন্ট এর সমমর্যাদা সম্পন্ন হবেন।

২. সময় সময় এই উপদেষ্টা পরিষদ পার্টি নেতৃত্বকে পরামর্শ দেবেন। উপদেষ্টা পরিষদের সভায় প্রেসিডেন্ট সভাপতিত্ব করবেন এবং ভারপ্রাপ্ত/নির্বাহী প্রেসিডেন্ট ও মহাসচিব উপস্থিত থাকবেন।

৩. উপদেষ্টাদের কোন সংখ্যা নির্ধারিত হবে না।

৪. বৈঠক ছাড়াও উপদেষ্টাগন পার্টির উন্নয়নে তাদের মতামত যেকোন সময় ব্যক্ত করতে পারবেন এবং সেই মতামত বা সুপারিশ দলীয় ফোরামে আলোচনা করতে হবে।

অনুচ্ছেদ - ১৯

কমিশন সমূহ:

- (১) কমিশন সমূহ পার্টি প্রেসিডেন্ট এর দপ্তরের মাধ্যমে পরিচালিত হবে। স্থায়িত্বকাল কেবিনেটের সিদ্ধান্তের উপর নির্ভরশীল।
- (২) কমিশন চেয়ারম্যান হিসেবে উপযুক্ত কাউকে পার্টি প্রেসিডেন্ট নিয়োগ প্রদান করবেন।
- (৩) পার্টি কমিশন সমূহ সংশ্লিষ্ট বিষয়ে তাদের সুপারিশ মালা প্রদান অব্যাহত রাখবে এবং কেবিনেট প্রয়োজনীয় বিষয়টুকু পার্টি নীতিমালা হিসেবে গ্রহন করবে।
- (৪) সংশ্লিষ্ট বিষয়ের আলোকে কোন রাষ্ট্রীয় ফোরামে অনুমোদন সাপেক্ষে কমিশন পার্টির প্রতিনিধিত্ব করতে পারবে।
- (৫) কমিশনের গঠন হবে নিম্নরূপ:

(ক) চেয়ারম্যান : ১ জন

(খ) ভাইস-চেয়ারম্যান : ১--২ জন(প্রয়োজনে)

(গ) সদস্য : ৩--৭ জন

(ঘ) সদস্য সচিব : ১জন

অনুচ্ছেদ-২০

অংগ সংগঠন

১. পার্টি'র কোন অঙ্গ সংগঠন থাকবে না। তবে জাতীয় নির্বাহী কমিটি প্রয়োজনে রাষ্ট্রীয় অর্থনৈতিক কর্মকান্ড এবং আইন শৃঙ্খলার সাথে সাংঘর্ষিক নয় এমন সহযোগি সংগঠন তৈরী করতে পারবে।
২. তবে অবশ্য তা রাজনৈতিক দলের নিবন্ধন আইনের শর্ত পূরন সাপেক্ষে হবে। সহযোগী সংগঠনের বেলায় দলের নিবন্ধন আইনের শর্ত পূরন সাপেক্ষে একই নিয়ম প্রযোজ্য হবে।

অনুচ্ছেদ-২১
অস্থায়ী/স্থায়ী কমিটি সমূহ:

- (১) কেন্দ্রীয় ওয়ার্কিং কমিটির নেতৃত্ব প্রয়োজনে বিষয় ভিত্তিক অস্থায়ী/স্থায়ী উপ-কমিটি গঠন করতে পারবেন।
- (২) কমিটি মেয়াদ শেষে রিপোর্ট প্রদানের পর বিলুপ্ত হবে।
- (৩) কমিটি হবে নিম্নরূপ:
 - (১) চেয়ারপার্সন: ১ জন
 - (২) সদস্য : ২-৬ জন
 - (৩) সদস্য সচিব : ১ জন

(৩) তদন্ত এবং বিভিন্ন উদযাপন কমিটি এই পদ্ধতিতে হবে।

অনুচ্ছেদ -২২
প্রশাসনিক বিভাগ

১. এই বিভাগের আর্গানোগ্রাম হবে নিম্নরূপ:
 - (১) জাতীয় পরিচালক - ১জন
 - (২) প্রোগ্রাম অফিসার- ১জন
 - (৩) একাউন্টস অফিসার- ১জন
 - (৪) ইন্টারন্যাশনাল অফিসার- ১জন
 - (৫) তথ্য অফিসার-- ১জন
 - (৬) ওয়েব মাস্টার- ১জন
 - (৭) অফিস এক্সিকিউটিভ - ১জন
 - (৮) মেসেঞ্জার -- ১জন
 - (৯) অফিস এটেন্ডেন্ট - প্রয়োজনীয় সংখ্যক।
 - (১০) মহানগর বা জেলা পরিচালক- প্রয়োজনীয় সংখ্যক

২. পার্টির সকল সংশ্লিষ্ট কাগজপত্র, রেজুলেশন, দলিল, চেক বহি সহ সকল কিছুই এই বিভাগ হেফাজতে থাকবে।
৩. সংশ্লিষ্ট নেতৃত্ববৃন্দ এই বিভাগের সহায়তা নেবেন।

অনুচ্ছেদ -২৩
শাখা কমিটি সমূহ:

(১) শাখা কমিটি সমূহ হবে নিম্নরূপ:

- (১) সভাপতি : ১জন
- (২) সহ-সভাপতি : ৪-১০ জন
- (৩) সাধারণ সম্পাদক : ১জন
- (৪) সহ-সাধারণ সম্পাদক : ৪জন
- (৬) দপ্তর সম্পাদক : ১জন
- (৭) প্রচার ও প্রকাশনা সম্পাদক : ১জন (প্রয়োজনে)
- (৮) তথ্য বিষয়ক সম্পাদক : ১জন (প্রয়োজনে)
- (৯) যুব ও ছাত্র বিষয়ক সম্পাদক : ১জন (প্রয়োজনে)
- (১০) সদস্য : প্রয়োজন অনুসারে

(২) প্রয়োজনে কেন্দ্রীয় আদেশে এডহক কমিটি হলে হবে নিম্নরূপ:

- (১) সভাপতি : ১জন
- (২) সহ-সভাপতি : ২-৪জন
- (৩) সাধারণ সম্পাদক : ১জন
- (৪) দপ্তর সম্পাদক : ১জন
- (৫) সদস্য : প্রয়োজন অনুসারে।

৩. আহ্বায়ক কমিটি গঠিত হলে তা হবে নিম্নরূপ:

১. আহ্বায়ক - ১জন
২. যুগ্ম-আহ্বায়ক- ২-৬জন
৩. সদস্য - প্রয়োজন অনুসারে

৪. দলের কোন বৈদেশিক শাখা থাকবে না।
৫. সকল শাখা কমিটির মেয়াদ হবে ২ বছর।
৬. সকল শাখার পূর্নাজ কমিটি নির্বাচনের মাধ্যমে গঠিত হবে। নির্বাচনের জন্য সম্মেলন আয়োজন করবে বিদায়ী শাখা কমিটি। এই জন্য কেন্দ্রীয় কংগ্রেসের ন্যায় ৩ মাস পূর্বেই সকল আয়োজন করতে হবে। স্থানীয় কংগ্রেস বা সম্মেলনে কমপক্ষে একজন কেন্দ্রীয় সদস্য উপস্থিত থাকতে হবে।
৭. প্রয়োজনে রাংগামাটি, খাগড়াছড়ি এবং বান্দরবানের সমন্বয়ে "পার্বত্য আঞ্চলিক কমিটি" গঠন করা যাবে। ১ জন সভাপতি, ২ জন সহ সভাপতি, ১ জন সাধারণ সম্পাদক, ১ জন আঞ্চলিক পরিচালক ও ৬ জন সদস্য (৩ জেলার সভাপতি ও সম্পাদক) সমন্বয়ে এই কমিটি হবে। আদিবাসী, উপজাতি ও বাংলাভাষী পার্বত্যবাসীদের দ্বারা পার্টি প্রেসিডেন্ট এই কমিটি গঠন করতে পারবেন।
৮. রাজধানী কমিটি এবং "পার্বত্য আঞ্চলিক কমিটি" ক্রমানুসারে অন্যান্য শাখা কমিটির চেয়ে বিশেষ মর্যাদা লাভ করবে।

অনুচ্ছেদ - ২৪ প্রেসিডেন্ট

১. প্রেসিডেন্ট পার্টি এবং সংবিধানের অবিভাবক এবং প্রধান।
২. প্রেসিডেন্ট যেকোন সিদ্ধান্তে ভেটো দিতে পারবেন বা পুনর্বিবেচনার জন্য সংশ্লিষ্ট কমিটিকে/পদধারীকে নির্দেশ দিতে পারবেন।
৩. প্রয়োজনে ভারপ্রাপ্ত/নির্বাহী প্রেসিডেন্ট পদে নিয়োগ প্রদান করবেন। ৭০ সাংগঠনিক জেলা থেকে নির্বাহী সদস্য মনোনীত করবেন।
৪. পৃথিবীর যে কোন প্রান্তে অবস্থান করলেও প্রেসিডেন্টের ক্ষমতা অপরিবর্তিত থাকবে।

৫. তিনি নিষ্ক্রিয় কোন কমিটি/পদের নিয়োগ/নির্বাচন বাতিল করে উপযুক্ত কাউকে নিয়োগ বা কমিটির ক্ষেত্রে পুনর্গঠন করতে পারবেন। কারো আপত্তি থাকলে কেবিনেটে পুনর্বিবেচিত হবে।
৬. দলীয় যে কোন বিধিমালা বা সার্কুলার প্রেসিডেন্টের নামে প্রকাশিত হবে। স্বাক্ষরকারী উপযুক্ত নেতৃত্বের মনোনীত যেকোন হবে।
৭. প্রেসিডেন্ট (৩) বছরের জন্য জাতীয় কমিটি কর্তৃক নির্বাচিত হবেন। তার একটি সচিবালয় থাকবে। প্রেসিডেন্ট পার্টির সদস্যদের মধ্য থেকে এই সচিবালয় গঠন করবেন। প্রেসিডেন্টের সচিবালয়ের গঠন হবে নিম্নরূপ:
 ১. রাজনৈতিক সচিব- ১ জন (যে কোন মর্যাদায়)
 ২. তথ্য সচিব - ১ জন (যে কোন মর্যাদায়)
 ৩. একান্ত সচিব- ১ জন (সচিব মর্যাদা)
 ৪. বিশেষ সহকারী- (যে কোন মর্যাদায়)
৮. জাতীয় নির্বাহী কমিটি, কেবিনেট ও ওয়ার্কিং কমিটির সভায় সভাপতিত্ব করবেন।
৯. প্রশাসনিক কার্যক্রম পরিচালনায় তিনি জাতীয় পরিচালক, আন্তর্জাতিক পরিচালক ও প্রোগ্রাম অফিসারসহ সকল নিয়োগ প্রদান করবেন।

অনুচ্ছেদ- ২৫ ভারপ্রাপ্ত/নির্বাহী প্রেসিডেন্ট

- ১। দলীয় প্রয়োজনে ভাইস প্রেসিডেন্টগণের মধ্য থেকে অন্তর্বর্তীকালীন সময়ের জন্য প্রেসিডেন্ট এই পদে নিয়োগ প্রদান করবেন।
- ২। প্রেসিডেন্ট পদত্ব দায়িত্ব পালন করবেন।

৩। প্রেসিডেন্ট ইন্তেকাল করলে এবং ঐ সময়ে কোন ভারপ্রাপ্ত/নির্বাহী প্রেসিডেন্ট দায়িত্বপ্রাপ্ত না থাকলে পার্টির সদ্য সাবেক প্রেসিডেন্ট বা তিনি রাজী না হলে ভাইস-প্রেসিডেন্টগণের মধ্য থেকে ওয়ার্কিং কমিটি কাউকে ভারপ্রাপ্ত প্রেসিডেন্ট মনোনীত করবেন।

৪। দায়িত্ব পালন সমাপন হলে তিনি পূর্বপদে প্রত্যাবর্তন করবেন, যদি না ইতোমধ্যে কংগ্রেসের দ্বারা নতুন কমিটি গঠিত হয়। সেক্ষেত্রে তিনি নতুন পদে প্রত্যাবর্তন করবেন।

অনুচ্ছেদ- ২৬ সাবেক প্রেসিডেন্ট

১. কেন্দ্রীয় নির্বাহী কমিটির সদস্য থাকবেন। সভায় নিজস্ব মতামত প্রদান করবেন। কমিটির সভায় ভোটাধিকার প্রদান করবেন তবে কোন ভেটো ক্ষমতা থাকবে না।
২. ভাইস-প্রেসিডেন্টের প্রশাসনিক মর্যাদা লাভ করবেন। তবে তার কার্যক্রম প্রেসিডেন্টের সচিবালয় দ্বারা সমন্বিত হবে।
৩. নির্বাহী কমিটির সভায় সভাপতিত্ব করতে পারবেন না। তবে অধঃস্তন কোন কমিটির আমন্ত্রণে প্রধান অতিথির আসন গ্রহণ করতে পারবেন।

অনুচ্ছেদ-২৭ ’’মহাসচিব’’

১. মহাসচিব পার্টির প্রধান মুখপাত্র এবং সাংগঠনিক প্রধান হিসেবে নির্বাহী দায়িত্ব পালন করবেন।
২. প্রেসিডেন্ট এর অনুমোদনক্রমে জাতীয় নির্বাহী কমিটির সভা ও কংগ্রেস অধিবেশন আহ্বান করবেন।

৩. দেশব্যাপী শাখা কমিটি পরিচালনার সাংগঠনিক কাজে যুগ্ম মহাসচিব ও সাংগঠনিক সম্পাদক এবং রাষ্ট্রীয় ও পার্টির বিভাগীয় দপ্তর সমূহ কার্যকর রাখতে কেন্দ্রীয় সম্পাদকদের পরিচালিত করবেন।

৪. ভাইস-প্রেসিডেন্টদের সাংগঠনিক কাজে সহায়তা দেবেন।

৫. কংগ্রেস/কনভেনশনে অথবা জাতীয় নির্বাহী কমিটির বা ওয়ার্কিং কমিটির সভায় সাংগঠনিক রিপোর্ট পেশ করবেন।

অনুচ্ছেদ---২৮ ভাইস- প্রেসিডেন্ট

১. প্রেসিডেন্ট কর্তৃক অর্পিত দায়িত্ব পালন করবেন।
২. ক্রমানুসারে দায়িত্বভেদে প্রেসিডেন্ট এর অনুপস্থিতিতে জাতীয় নির্বাহী কমিটির সভায় সভাপতিত্ব করবেন।
৩. সংগঠনের বিস্তারে প্রদত্ত আঞ্চলিক দায়িত্ব পালন করবেন। কেন্দ্রীয় বিভাগীয় দপ্তর সমূহের প্রধান হিসেবে দায়িত্ব প্রাপ্ত হবেন।

অনুচ্ছেদ---২৯ ’’ট্রেজারার’’

১. অর্থনৈতিক কর্মকাণ্ডের এবং পার্টি তহবিলের প্রধান হিসেবে দায়িত্ব পালন করবেন। প্রশাসনিক যে কাউকে তার কাজে সহায়তা প্রদানের জন্য নির্দেশ দিতে পারবেন।
২. কেবিনেট এবং কংগ্রেস/কনভেনশন এ অথবা সংশ্লিষ্ট কমিটির সভায় অর্থনৈতিক রিপোর্ট পেশ করবেন। প্রতি বছর পার্টির অডিট এর ব্যবস্থা করবেন।
৩. প্রতি বছর পার্টির বাজেট তৈরী করবেন এবং কেবিনেট/ কেন্দ্রীয় নির্বাহী কমিটির সভায় তা অনুমোদনের জন্য পেশ করবেন।

অনুচ্ছেদ-৩০

যুগ্ম-মহাসচিব

১. মহাসচিবের সহকারী হিসেবে প্রেসিডেন্ট ও মহাসচিব কর্তৃক অর্পিত দায়িত্ব পালন করবেন।
২. মহাসচিব এর অনুপস্থিতিতে যথাযথ অনুমোতি সাপেক্ষে ভারপ্রাপ্ত মহাসচিব হিসেবে ক্রমানুসারে দায়িত্ব পালন করবেন।

অনুচ্ছেদ---৩১

যুগ্ম -ট্রেজারার

১. ট্রেজারার কর্তৃক অর্পিত দায়িত্ব পালন করবেন।
২. ট্রেজারার এর অনুপস্থিতিতে পার্টি প্রধানের অনুমতি সাপেক্ষে অস্থায়ী ট্রেজারারের দায়িত্ব লাভ করবেন।

অনুচ্ছেদ- ৩২

অন্যান্য কর্মকর্তা

১. সাংগঠনিক সম্পাদক

১. সাংগঠনিক অঞ্চলে মহাসচিব এর অধীনে দায়িত্ব পালন করবেন।
২. রিপোর্ট পেশ করবেন মহাসচিবের কাছে।
৩. আঞ্চলিক দায়িত্বপ্রাপ্ত ভাইস-প্রেসিডেন্টদের সহায়তা প্রদান করবেন।

২. জাতীয় পরিচালক

১. প্রধান প্রশাসনিক কর্মকর্তা হিসেবে সকল প্রশাসনিক কর্মকান্ড তত্ত্বাবধান করবেন।
২. সাংগঠনিক সম্পাদকের বা তদুর্ধ্ব মর্যাদায় থেকে অধিনস্তদের পরিচালনা করবেন।

৩. পার্টির কেবিনেট, জাতীয় নির্বাহী কমিটি এবং ওয়ার্কিং কমিটি সহ এর সকল প্রশাসনিক কাজ করবেন এবং তা সংরক্ষণ করবেন।

৩. যুগ্ম/সহকারী জাতীয় পরিচালক

১. সম্পাদকের বা তদুর্ধ্ব মর্যাদায় যুগ্ম/সহকারী জাতীয় পরিচালক নিয়োগ দেয়া যাবে।
২. জাতীয় নির্বাহী কমিটি এবং ওয়ার্কিং কমিটির সদস্য হবেন।
৩. জাতীয় পরিচালকের অনুপস্থিতিতে ভারপ্রাপ্ত দায়িত্ব পালন করবেন। এছাড়া নির্ধারিত দায়িত্ব পালন করবেন।

৪. সম্পাদক বা সচিব

১. সম্পাদকগন প্রেসিডেন্ট কর্তৃক প্রদত্ত দায়িত্ব পালন করবেন।
২. সংশ্লিষ্ট বিভাগের হালনাগাদ রাস্ট্রীয় কর্মকাণ্ডের নিরিখে দলীয় প্রোগ্রাম তৈরী করবেন। সকল তথ্য হালনাগাদ সংরক্ষণ করবেন।
৩. কেন্দ্রীয় দপ্তরসমূহের নির্বাহী কর্মকর্তার দায়িত্ব পালন করবেন।

৫. নির্বাহী সদস্য:

১. প্রেসিডেন্ট কর্তৃক/সরাসরি নির্বাচিত হবেন।
২. কেন্দ্রীয় নির্বাহী কমিটিতে প্রদত্ত দায়িত্ব পালন করবেন।
৩. মেয়াদকাল তার নিয়োগ বা নির্বাচন প্রক্রিয়ার উপর নির্ভরশীল।

অনুচ্ছেদ -৩৩

তহবিল

১। তহবিল গঠন:

১. সদস্য চাঁদা, গণচাঁদা, দান, অনুদান প্রকাশনা ইত্যাদির দ্বারা তহবিল গঠিত হবে।
২. প্রকল্প গ্রহন করে তহবিল গঠন করা যাবে।
৩. বিদেশী অনুদান গ্রহন করেও তহবিল গঠন করা যাবে।

২। তহবিল পরিচালনা:

১. তহবিল পরিচালনা করবেন ট্রেজারার।
২. তহবিল কোন তফসিলি ব্যাংক এ জমা থাকবে।
৩. একাউন্ট এর যাবতীয় কাগজপত্র, চেক বহি প্রশাসনিক কর্মকর্তাদের হেফাজতে থাকবে।
৪. প্রেসিডেন্ট/ ভারপ্রাপ্ত/নির্বাহী প্রেসিডেন্ট, মহাসচিব, এবং ট্রেজারার এর যৌথ স্বাক্ষরে কেন্দ্রীয় ব্যাংক একাউন্ট পরিচালিত হবে। ৫,০০০/=দশ হাজার টাকার উপর উত্তোলনের জন্য প্রেসিডেন্ট এর অনুমোদন লাগবে, অনুপস্থিতির কারণে ইলেকট্রনিক অনুমোদন কার্যকর হবে।
৫. পার্টির কোন জেলা বা উপজেলা শাখার ব্যাংক একাউন্ট খোলার প্রয়োজন হলে পার্টি প্রেসিডেন্ট/ ভারপ্রাপ্ত/নির্বাহী প্রেসিডেন্ট ও মহাসচিব এর লিখিত অনুমোদনক্রমে সংশ্লিষ্ট শাখার সভাপতি এবং সাধারণ সম্পাদকের (আহ্বায়ক কমিটি নয়) যৌথ স্বাক্ষরে ব্যাংক হিসাব খোলা যাইবো। যৌথ স্বাক্ষরকারীর ছবি সত্যায়িত করবেন মহাসচিব/ট্রেজারার।
৬. তবে এই ব্যাংক হিসাব পরিচালনা বা এর আয় ব্যয়ের হিসেবের দায়বদ্ধতা পুরোপুরি সংশ্লিষ্ট শাখার উপর বর্তাবে। কোন ক্রমেই কোন আইনানুগ কর্তৃপক্ষ এজন্য কেন্দ্রীয় নেতৃত্বকে দায়বদ্ধ বা আইনের দ্বারা সম্পর্কযুক্ত করাতে পারবেন না।
৭. তবে প্রতিবছরের এই ব্যাংক হিসাব পরিচালনা ও আয় ব্যয়ের অডিট রিপোর্ট সংশ্লিষ্ট শাখা কেন্দ্রীয় কার্যালয়ে জমা দেবে বাধ্যতামূলকভাবে। নতুবা এই হিসাব বন্ধ বা বাতিল করার জন্য সংশ্লিষ্ট ব্যাংকে পত্র দেয়া হবে।

অনুচ্ছেদ -৩৪

সভা

১। মাসিক সাধারণ সভা:

১. ৭ দিনের নোটিশে এ সভা হবে।
২. ৬০ ভাগ সদস্যের উপস্থিতিতে কোরাম হবে।
৩. সকল কমিটি প্রতি মাসে সম্ভব না হলে ২ মাসে একবার এ সভা করবে।

২। বর্ধিত সভা :

১. প্রতিবছর ১ এক বার বা দলের বিশেষ প্রয়োজনে পার্টির জাতীয় নির্বাহী কমিটির সদস্যগন এই সভা করবেন।
২. শতকরা ৫১ ভাগ সদস্যের উপস্থিতিতে কোরাম হবে।
৩. প্রয়োজনীয় গুরুত্বপূর্ণ সিদ্ধান্ত গ্রহন করা যাবে।
৪. স্বাভাবিক গতিতে হলে এই সভা হবে বার্ষিক সাধারণ সভা।
৫. কমপক্ষে ১৫ দিনের নোটিশে এ সভা হবে।

৩। জরুরী সভা :

১. বিশেষ প্রয়োজনে ২৪ ঘন্টার নোটিশে এ সভা হবে।
২. ৫০ ভাগ সদস্যের উপস্থিতিতে কোরাম হবে, তবে গৃহীত সিদ্ধান্ত পরবর্তী নিয়মিত সভায় পাশ করতে হবে। নতুবা বাতিল হবে।

অনুচ্ছেদ -৩৫

নেতৃত্বের দায়বদ্ধতা:

১. সকল কমিটির নেতৃত্ব ঐ কমিটির দায়দায়িত্ব বহন করবে।
২. উর্ধ্বতন নেতৃত্বের নির্দেশ অধস্তনদের পালন করতে হবে, তবে তা দলীয় গঠনতন্ত্র ও কার্যবিধির পরিপন্থী হলে না পালন করলে কোন সমস্যা নাই।
৩. নেতৃত্বের প্রতিটি স্তর উর্ধ্বতন স্তরের কাছে দায়বদ্ধ।
৪. সবাই **পার্টি প্রেসিডেন্ট, জাতীয় নির্বাহী কমিটি** এবং **কংগ্রেসের** কাছে দায়বদ্ধ।

অনুচ্ছেদ -৩৬

বিশেষ বিধান :

১. জাতীয় নির্বাহী কমিটি অকার্যকর হয়ে জটিল পরিস্থিতি হলে **পার্টি প্রেসিডেন্ট** সেই কমিটির স্থলে একটি এডহক কমিটি গঠন করতে পারবেন। সেক্ষেত্রে কমিটি হবে নিম্নরূপ:

১. প্রেসিডেন্ট : ১জন

২. সাবেক প্রেসিডেন্টগন

৩. মহাসচিব : ১জন

৪. ভাইস-প্রেসিডেন্ট : ১০জন

৫. ট্রেজারার : ১জন

৬. যুগ্ম মহাসচিব -২-৪ জন

৭. সাংগঠনিক সম্পাদক -৬জন

৮. সম্পাদক : ১০জন

৯. সদস্য : প্রয়োজন অনুসারে।

(প্রশাসনিক পদ সমূহ পরিবর্তন হবেনা, প্রেসিডেন্ট এর সিদ্ধান্ত ছাড়া)

২. পর্যায়ক্রমে **পার্টি**’র সকল স্তরে ৩৫ ভাগ নেতৃত্ব নারীদের দ্বারা এবং ১০ ভাগ নেতৃত্ব ধর্মীয় সংখ্যালঘু এবং আদিবাসী ও উপজাতী সংখ্যালঘু জনগোষ্ঠীর দ্বারা পূরন করার ব্যবস্থা ২০১৫ সালের মধ্যে বাধ্যতামূলক নিশ্চিত করতে হবে।

৩. **পার্টি**’র মধ্যে মিমাম্‌সার অযোগ্য চূড়ান্ত কোন আভ্যন্তরীন সংকটে **পার্টি প্রেসিডেন্ট** এর সিদ্ধান্ত হবে চূড়ান্ত।

৪. রাষ্ট্রীয় পর্যায়ে কোন রাজনৈতিক প্রতিনিধিত্ব করবে **পার্টি**’র ওয়ার্কিং কমিটি। কেবলমাত্র প্রয়োজনে অন্য কেউ প্রতিনিধিত্ব করতে পারবে। তবে সকল প্রতিনিধিত্বমূলক সংশ্লিষ্ট ঘটনার প্রতিবেদন **কেন্দ্রীয় ওয়ার্কিং কমিটি**’র কাছে লিখিত জমা দিতে হবে।

৫. গঠনতন্ত্র এবং কার্যবিধি মেনে চলতে ব্যর্থ নেতা-কর্মীর বিরুদ্ধে অপসারণসহ যেকোন শাস্তিমূলক ব্যবস্থা নেবে উর্ধ্বতন নেতৃত্ব/কমিটি।

৬. শৃঙ্খলা রক্ষায় দলীয় ফোরামে গণতান্ত্রিক পন্থা ব্যতীত কেউ কোনভাবে কাউকে ব্যক্তিগত আক্রমণ করলে তাকে **পার্টি** থেকে বহিস্কার করা যাবে। সেক্ষেত্রে কোন আপীলের ব্যবস্থা থাকবে না যদি না শাস্তিপ্ৰাপ্ত সদস্য লিখিতভাবে ক্ষমাপ্রার্থী না হয়।

৭. **পার্টি** সংবিধানে কোন বিধানের সংযোজন প্রয়োজন হলে **জাতীয় নির্বাহী কমিটি**’র অধিবেশন না থাকলে **কেবিনেট** তা করতে পারবে, তবে তা পরবর্তী **পার্টি কংগ্রেস/জাতীয় কনভেনশনে/জাতীয় নির্বাহী কমিটি** অধিবেশনে পাশ হতে হবে।

৮. সংবিধানের সংশোধনীর জন্য **জাতীয় নির্বাহী কমিটি**’র দুই-তৃতীয়াংশ উপস্থিত সদস্যের সিদ্ধান্তে গৃহীত যেকোন সংশোধনী পরবর্তী কংগ্রেস পর্যন্ত কার্যকর হবে।

৯. **কেবিনেট** দলের বিশেষ প্রয়োজনে পদ সৃষ্টি করতে পারবে এবং তাদের দায়িত্ব ও কর্তব্য নির্ধারণ করতে পারবে।
১০. নির্বাচন পদ্ধতি কার্যবিধির অন্তর্ভুক্ত হবে এবং কেবিনেট কার্যবিধি নির্ধারণ করবে, পরবর্তী কংগ্রেসে অনুমোদিত হতে হবে।
১১. পার্টির সদর দপ্তরের কোন বিভাগের প্রচার ও প্রকাশনায় পার্টির প্রতিষ্ঠাতা ও বর্তমান প্রেসিডেন্ট এর ছবি পাশাপাশি ব্যবহার করতে হবে। দলীয় নিবন্ধন বিধির আওতায় নির্বাচনী কার্যক্রমে ছবি ব্যবহার হবে।
১২. পার্টির পতাকা ব্যবহারের বিধিমালা কেবিনেট/প্রেসিডেন্ট নির্ধারণ করবেন।
১৩. জাতীয় সংসদ নির্বাচন সহ সকল নির্বাচনে প্রার্থী বাছাই পদ্ধতি কার্যবিধির অন্তর্ভুক্ত হবে। তবে সকল প্রকার প্রার্থী বাছাই হবে তৃনমূল পর্যায়ে থেকে। একাধিক প্রার্থী বাছাই করে কেন্দ্রে প্রেরণ করার পর সংশ্লিষ্ট কমিটি চূড়ান্ত প্রার্থী বাছাই করবে।
১৪. দলীয় পদসমূহ বা কমিটির নির্বাচনের কমপক্ষে ৯০ দিন পূর্বে জাতীয় নির্বাহী কমিটি বা ওয়ার্কিং কমিটি নির্বাচন কমিশন, নির্বাচনী আচরনবিধি এবং নির্বাচনী বিধিমালা প্রণয়ন করবে। কংগ্রেস বা জাতীয় প্রতিনিধি সম্মেলন বা কনভেনশনের বেলায়ও এই নিয়ম প্রযোজ্য হবে।
১৫. সকল প্রকার নতুন আইন ও বিধি এই গঠনতন্ত্র অনুমোদন হওয়ার দিন থেকে কার্যকর হবে। পুরনো বিধিতে সকল নির্বাচনকে নির্ধারক হিসেবে ধরা যাবে না। ঐ নির্বাচনগুলো বাধ্যবাধকতার আওতায় পড়বে না।

১৬. কার্যবিধি অনুসারেই সকল দৈনন্দিন কার্য সম্পাদন করতে সবাই বাধ্য থাকবে।
১৭. পার্টির গঠনতন্ত্রের কোন অনুচ্ছেদ, ধারা বা উপ-ধারা সংক্রান্ত জটিলতায় পার্টি প্রধানের ব্যাখ্যা চূড়ান্ত হিসেবে বিবেচিত হবে।
১৮. এই সংবিধান/গঠনতন্ত্রের বাইরেও নিবন্ধন কর্তৃপক্ষের চাহিদা মোতাবেক কোন আইন বা বিধি সংযোজনের প্রয়োজনীয়তা দেখা দিলে কেন্দ্রীয় ওয়ার্কিং কমিটি তাৎক্ষণিকভাবে জরুরী সভা আহ্বান করে সিদ্ধান্ত নিয়ে কার্যকর করতে পারবে। পরবর্তী জাতীয় কংগ্রেসে তা অনুমোদন করিয়ে পার্টি সংবিধানে সংযোজন করতে হবে।

-----o-----

ঘোষণাপত্র- ১৯৯৮

আমরা বাংলাদেশের উদার গণতান্ত্রিক রাজনীতিতে বিশ্বাসী বিভিন্ন রাজনৈতিক দলের নেতৃবর্গ, পেশাজীবী, সংবাদিক, শ্রমিক, ব্যবসায়ী, সাংস্কৃতিক কর্মীবৃন্দ এই মর্মে সিদ্ধান্তে উপনীত হয়েছি যে, ব্যক্তি স্বাধীনতা, মানবাধিকার, নারী-পুরুষের সমঅধিকার, সহনশীলতা, সহমর্মীতা, পরমত সহিষ্ণুতা, আইনের শাসন, বাজার অর্থনীতি, অবাধ তথ্য প্রবাহের স্বাধীনতা, অগ্রগতি, শান্তি, দায়িত্ব সচেতনতা, আন্তর্জাতিকতাবাদ প্রতিষ্ঠার লক্ষ্যে একটি উদার গণতান্ত্রিক রাজনৈতিক দল গঠন একান্ত প্রয়োজন।

১৯৭১ সালে বাংলাদেশের স্বাধীনতার পরে দেশটির রাজনৈতিক, অর্থনৈতিক, সামাজিক এবং শাসন ব্যবস্থা এক নাজুক পরিস্থিতির শিকার হয়। বাংলাদেশের সৃষ্টি থেকে এ পর্যন্ত গণতন্ত্রের জন্য সংগ্রাম হয়েছে প্রচুর। পাকিস্তান সংবিধানের আওতায় নির্বাচিত ব্যক্তির বাবা বাংলাদেশ শাসন করেছে দীর্ঘকাল, তারাই গঠনতন্ত্ররচনা করেছে। দলীয় গণতন্ত্রের ছদ্মাবরণে চলে সামন্ততান্ত্রিক নিষ্পেষন আর গণতন্ত্রের ব্যবচ্ছেদ। পাশাপাশি বিপ্লবী রাজনীতির নামে চলেছে মেধাবী একাধিক জেনারেশন ধ্বংসের খেলা। এরপর সামরিকতন্ত্র দেশকে নিয়ে গেছে এক রক্তক্ষয়ী সংঘর্ষের দিকে। পরবর্তীতে স্থিতিশীল সামরিক সরকার গণতন্ত্রের লেবাসে জনগণের অধিকার দানের কসরৎ চালালেও অন্য সামরিক চক্রান্তকারীদের কারণে দেশ আবারো দীর্ঘ স্বৈরতন্ত্রে নিপতিত হয়। অবশেষে গণতান্ত্রিক সংগ্রামের কাছে মাথা নত করে স্বৈরতন্ত্র। কিন্তু মানবাধিকার আর মৌলিক অধিকারের নিশ্চয়তা গণতন্ত্রে উত্তরণকালেও জনগণের কাছে ডুমুরের ফুল হয়েই থাকে। গণতন্ত্রে উত্তরণের পরে ১৯৯৮ সালের এ পর্যন্ত দু'টো সরকার ক্ষমতায় বসেও গণতন্ত্রকে প্রতিষ্ঠানিক রূপ দিতে ব্যর্থ হয়েছে। সরকার পরাজিত হচ্ছে উপনিবেশিক ধাঁচের আমলাতন্ত্রের কাছে, রাজনৈতিক সামন্তবাদীদের কাছে, কালো টাকার মালিক ও চোরচালানীদের কাছে এবং পোশাকধারী জনগণের সেবক নামধারীদের কাছে। এদের দ্বারা নিষ্পেষিত হচ্ছে ট্যান্ডাওয়া দেশের জনগণ। দেশে উদার গণতান্ত্রিক রাজনীতি বা রাজনৈতিক দল না থাকাই এর অন্যতম কারণ।

ফলে লংঘিত হচ্ছে মানবাধিকার, পদদলিত হচ্ছে মৌলিক অধিকার, ব্যক্তি স্বাধীনতা, বাক স্বাধীনতা, ব্যহত হচ্ছে বাংলাদেশের উন্নয়ন। অর্থনৈতিক ব্যবস্থা এখন ক্ষমতাসীন এবং ক্ষমতায় আরোহনের জন্য অপেক্ষমান দলগুলোর কর্তব্যজ্ঞীদের গোপন সমর্থনপুষ্ট মافیয়াদের দ্বারাই নিয়ন্ত্রিত হচ্ছে। যে কারণে দেশে দুর্নীতি, বেকারত্ব, মানবাধিকার লংঘন, নারী ও শিশু নির্যাতন মাত্রাতিরিক্ত এবং বিশু বেকারের পর্যায় পর্যন্ত পৌঁছেছে। দেশের প্রতিরক্ষা ও পররাষ্ট্রনীতি পুরোপুরি অন্যের অঙ্গুলী হেলনে নিয়ন্ত্রিত হচ্ছে। আইনের শাসন এ এক স্বপ্নে দেখা অমূল্য ধনে পরিনত হয়েছে। বিচার ব্যবস্থা সমালোচনার উর্ধে উঠতে ব্যর্থ হয়েছে। শিল্প কারখানা বিরপ্তীকরণের নামে সেগুলোকে অচল করে দেয়ার জন্য দালাল এবং রাষ্ট্রীয় সম্পদ লুটেরাদের হাতে তুলে দিয়ে অর্থনীতিকে জিম্মি করে ফেলা হচ্ছে। মুক্তবাজার অর্থনীতির সুযোগে অসৎ

রাষ্ট্রযন্ত্র কর্তৃক কালোবাজারীদের সার্বিক সুবিধা প্রদান করে প্রকৃত ব্যবসায়ীদের ধ্বংস করে দেয়া হচ্ছে। স্বাভাবিকভাবেই বাংলাদেশে গণতন্ত্রের দৈন্যনশা বলার অপেক্ষা রাখে না।

এমনকি গণতান্ত্রিক অধিকার প্রয়োগের সবচেয়ে বড় মাধ্যম ভোটাধিকার প্রয়োগে চলছে অনিয়ম। পদ্ধতিতে গণতান্ত্রিক নির্বাচনের কসরৎ চালানো ও বুলি আওড়ানো হচ্ছে এতে সংখ্যাগরিষ্ঠ জনগণের উপর সংখ্যাগরিষ্ঠ জনগণের শাসন চাপিয়ে দেয়া হচ্ছে। কোন দলই শতকরা ৫০ ভাগের উপর ভোট পেয়ে দেশ শাসনের ম্যান্ডেট পাচ্ছে না।

এমতাবস্থায়, প্রকৃত গণতান্ত্রিক আন্দোলন পরিদালিত করতে উদারনৈতিক রাজনৈতিক চর্চার মাধ্যমে সংখ্যাগরিষ্ঠ জনগণের শাসন প্রতিষ্ঠা তথা মৌলিক অধিকার ও মানবাধিকার প্রতিষ্ঠার জন্য বাংলাদেশে একটি উদার গণতান্ত্রিক রাজনৈতিক দলের প্রয়োজন দেখা দিয়েছে। 'লিবারেল ডেমোক্রেসি' বিশ্বব্যাপী পরিপূর্ণ গণতন্ত্রের এক দর্শন। এ দর্শন একজন মানুষকে সর্বপ্রথম তার ব্যক্তি স্বাধীনতার বিষয়ে সচেতন করে এবং তার অধিকার আদায়ের প্রবনতা বাড়িয়ে দেয়। সমাজে ও রাষ্ট্রে তার কর্তব্যকে নির্ধারণ করে দেয়।

কিন্তু সমাজ ও রাষ্ট্রে সবচেয়ে বিষফোঁড়া ব্যুরোক্রেসী বা আমলাতন্ত্রকে নিয়ন্ত্রন করা না গেলে গণতন্ত্রের বিকাশ কোনক্রমেই সম্ভব নয়। লিবারেল দর্শনে ব্যক্তি স্বাধীনতার পাশাপাশি মত প্রকাশের অধিকার, নারী পুরুষের সম অধিকার, বাজার অর্থনীতি, ধর্মীয় স্বাধীনতা, তথ্যের অবাধ প্রবাহ, পরমতসহিষ্ণুতা ও মানবাধিকার সবচেয়ে বেশী প্রাধান্য নেয়া হয়েছে। উদার গণতান্ত্রিক ব্যবস্থায় বিচার বিভাগের স্বাধীনতা ও আইনের শাসনের গুরুত্ব সর্বোচ্চ।

১৯৯৭ সালের ১২ই জুন উদার গণতান্ত্রিক প্রতিষ্ঠান গড়ার লক্ষ্য নিয়েই গণতান্ত্রিক সর্বহারা পার্টি'র চেয়ারম্যান জননেতা শেখ মহিউদ্দিন আহমেদের নেতৃত্বে প্রতিষ্ঠিত হয় "লিবারেল ফ্রন্ট বাংলাদেশ" নামে একটি রাজনৈতিক জোট। জোটের অন্য সদস্য দল হলো জনাব আফজালুল হক সিকদারের নেতৃত্বাধীন জাতীয় সমাজতান্ত্রিক দল-জাসদ এবং গণঅধিকার ফ্রন্ট। এই জোটই হলো একটি লিবারেল পার্টি গঠনের প্রাথমিক স্তর।

দীর্ঘ অনুশীলনের প্রক্ষিতে অবশেষে আমরা, উদার গণতান্ত্রিক আন্দোলনের দ্বারা একটি প্রকৃত কল্যান রাষ্ট্র গঠনের প্রত্যয়ে জোট "লিবারেল ফ্রন্ট বাংলাদেশ" এর সকল দল বিলুপ্ত করে "লিবারেল পার্টি বাংলাদেশ" গঠন করে এর অগ্রযাত্রা ঘোষণা করছি। সেই সাথে দক্ষিণ এশিয়ার সামাজিক মূল্যবোধের আলোকে লিবারেল ইন্টারন্যাশনালের প্রতি একাত্মতা প্রকাশ করছি।

মানবতার বিজয় সুনিশ্চিত

১০ আগস্ট ১৯৯৮।